

O'zbekiston Respublikasi Prezidentining 2018 yil 26 apreldagi «Fermer, dehqon xo'jaliklari va tomorqa er egalari faoliyatini takomillashtirish bo'yicha qo'shimcha chora-tadbirlar to'g'risida»gi PQ-3680-sonli qarori haqida

O'zbekiston Respublikasi Prezidentining 2018 yil 26 apreldagi «Fermer, dehqon xo'jaliklari va tomorqa er egalari faoliyatini takomillashtirish bo'yicha qo'shimcha chora-tadbirlar to'g'risida»gi PQ-3680-sonli qarori ijrosini ta'minlash maqsadida Qoraqalpog'iston Respublikasi Vazirlar Kengashi

QAROR QILADI:

1. O'zbekiston Respublikasi Prezidentining 2018 yil 26 apreldagi «Fermer, dehqon xo'jaliklari va tomorqa er egalari faoliyatini takomillashtirish bo'yicha qo'shimcha chora-tadbirlar to'g'risida»gi PQ-3680-sonli qarori ijro uchun rahbarlikka olinsin.

2. O'zbekiston Respublikasi Prezidentining yuqorida ko'rsatilgan qarori bilan:

a) Tegishli hududda dehqon xo'jaliklari va tomorqa er egalari ajratilgan er uchastkalaridan maqsadli foydalanilishi tumanni kompleks ijtimoiy-iqtisodiy rivojlantirish bo'yicha sektor rahbarlari faoliyatini baholash ko'rsatkichlaridan biri deb hisoblanganligi;

b) Qoraqalpog'iston Respublikasi Vazirlar Kengashi Raisi, viloyatlar va tumanlar hokimlari, qishloq xo'jaligi vaziri hamda O'zbekiston fermer, dehqon xo'jaliklari va tomorqa er egalari kengashi (keyingi o'rinlarda Kengash deb yuritiladi) rahbarlariga fermer, dehqon xo'jaliklari va tomorqa er egalari tuman kengashlari huzuridagi fermer, dehqon xo'jaliklari va tomorqa er egalari kompleks xizmat ko'rsatish markazlari faoliyatini tashkil etish ta'minlanmaganligi qat'iy ko'rsatib o'tilganligi;

v) 2018 yil 1 iyuldan:

barcha fermer va dehqon xo'jaliklarining Kengashga a'zoligi majburiy, tomorqa er egalari uchun esa ixtiyoriy hisoblanishi;

fermer va dehqon xo'jaliklarining Kengashda a'zoligi tuman fermer, dehqon xo'jaliklari va tomorqa er egalari kengashi rayosati qaroriga muvofiq tugatilishi er uchastkasiga egalik qilish, undan doimiy yoki muddatli foydalanish huquqi yoxud uni ijaraga olish huquqi bekor bo'lishi uchun asos bo'lishi;

fermer, dehqon xo'jaliklari va tomorqa er egalari kengashlari qishloq xo'jaligida shartnoma majburiyatlarining bajarilishi yuzasidan monitoring hamda jamoat nazoratini amalga oshirishi belgilanganligi;

g) Kengashga, O'zbekiston Respublikasi Moliya vazirligi va Qishloq xo'jaligi vazirligining Kengashga a'zolik badallarini quyidagicha:

paxta xom ashyosi hamda donli ekinlar etishtirishga ixtisoslashgan fermer xo'jaliklari uchun paxta xom ashyosi hamda donning xarid narxidan 0,8 foiz miqdorida;

boshqa fermer xo'jaliklari uchun ular tomonidan ishlab chiqarilgan mahsulotlarni sotishdan tushgan pul mablag'larining 0,5 foizi miqdorida;

dehqon xo'jaliklari hamda tomorqa er egalari uchun Kengashga a'zolik to'g'risidagi shartnomada ko'rsatilgan miqdorda belgilash haqidagi takliflari ma'qullanganligi;

O'zbekiston Respublikasi Moliya vazirligiga Markaziy bank, Qishloq xo'jaligi vazirligi, Kengash, boshqa manfaatdor vazirlik va idoralar bilan birgalikda ikki oy muddatda mazkur band talablariga muvofiq Kengashga a'zolik badallarini o'tkazib berish tartibini ishlab chiqish hamda o'rnatilgan tartibda tasdiqlash topshirilganligi;

d) Fermer, dehqon xo'jaliklari va tomorqa er egalari kengashlariga quyidagi:

uyma-uy yurish orqali dehqon xo'jaliklari va tomorqa er egalari uchun er uchastkalaridan maqsadli va samarali foydalanilishini, shu jumladan, erni tayyorlash, urug', ko'chat va daraxtlar ekish, issiqxonalar qurish, chorva va parrandalarni ko'paytirish holatini davriy monitoring qilib borish;

Kengash a'zolari – fermer, dehqon xo'jaliklari va tomorqa er egalari uchun tegishli er uchastkalaridan maqsadli va samarali foydalanish zarurligi to'g'risida ko'rsatmalar berish;

tuman hokimlariga fermer, dehqon xo'jaliklari va tomorqa er egalari uchun tegishli er uchastkalariga bo'lgan huquqlarini er qonunchiligiga muvofiq tugatish zarurligi to'g'risida ko'rib chiqilishi majburiy bo'lgan takliflar kiritish huquqlari berilganligi;

e) Barcha qishloq tumanlarida asosiy vazifasi quyidagilar orqali fermer, dehqon xo'jaliklari va tomorqa er egalari uchun qishloq xo'jaligi mahsulotlarini etishtirish va sotishda amaliy yordam ko'rsatish hisoblangan «Tomorqa xizmati» MChJlar tashkil etilganligi;

fermer, dehqon xo'jaliklari va tomorqa er egalari uchun shartnoma asosida zarur moddiy resurslar, shu jumladan, urug'lar, ko'chatlar, taralar, texnika va boshqa vositalar etkazib berishi;

erlarni rekultivatsiya qilish va qishloq xo'jaligi ekinlarini ekishi;

sug`orish tizimini yaratish va yaxshilash, suv nasoslari o`rnatish, artezian quduqlar qazish va tomchilatib sug`orishni tashkil etishi;

ishlab chiqarilgan mahsulotlar va qishloq xo`jaligi ekinlarini ichki va tashqi bozorlarda sotish, shu jumladan, ularni tayyorlash, saqlash, qayta ishlashi va eksport qilishi ma`lumot uchun qabul qilinganligi;

yo) Qoraqalpog`iston Respublikasi Vazirlar Kengashiga, viloyatlar hokimliklariga O`zbekiston Respublikasi Xususiy lashtirilgan korxonalariga ko`maklashish va raqobatni rivojlantirish davlat qo`mitasi, Savdo-sanoat palatasi va Kengash bilan birgalikda qishloq tumanlarining ixtisosligidan kelib chiqqan holda «Tomorqa xizmati» MChJlar faoliyatini samarali tashkil etishda, shu jumladan, bo`sh turgan va foydalanilmayotgan davlat mulki ob`ektlarini belgilangan tartibda ajratish orqali ko`maklashish topshirilganligi;

j) O`zbekiston Respublikasi Bandlik va mehnat munosabatlari vazirligi, Moliya vazirligi hamda Kengashning yuridik shaxs maqomiga ega bo`lgan O`zbekiston fermer, dehqon xo`jaliklari va tomorqa er egalari kengashi huzuridagi Fermer, dehqon xo`jaliklari va tomorqa er egalarini qo`llab-quvvatlash jamg`armasini (keyingi o`rinlarda Jamg`arma deb yuritiladi) tashkil etish to`g`risidagi taklifi ma`qullanganligi;

z) Quyidagilar:

O`zbekiston Respublikasi Bandlik va mehnat munosabatlari vazirligi huzuridagi Jamoat ishlari jamg`armasidan va Bandlikka ko`maklashish davlat jamg`armasidan tegishli 350 milliard so`m hamda 150 milliard so`m miqdorida ajratiladigan bir martalik beg`araz moliyaviy yordami;

auksion savdolarida fuqarolarga er uchastkalariga meros qilib qoldiriladigan umrbod egalik qilish huquqini sotishdan tushadigan tushumning 10 foizi;

Jamg`armaga yuklatilgan vazifalarni bajarish uchun jalb qilinadigan xalqaro moliya institutlari, xorijiy hukumat tashkilotlari va boshqa donor-larning kreditlari (qarzlar) va grantlari;

Jamg`armaning daromadlari, shu jumladan, mablag`larni depozit hisobraqamlariga joylashtirishdan olinadigan daromadlari;

qonun hujjatlari bilan taqiqlanmagan boshqa manbalari;

fermer, dehqon xo`jaliklari va tomorqa er egalariga 3 yil muddatga, shu jumladan, 1 yilgacha imtiyozli davr bilan 2 foizlik bank marjasini hisobga olgan holda yillik 7 foiz stavkada kreditlar berish uchun «Mikrokreditbank» ATB, «Agrobank» ATB hamda O`zbekiston Respublikasi Xalq bankiga resurslar joylashtirish;

tijorat banklari orqali O`zbekiston Respublikasi Markaziy bankining qayta moliyalash stavkasida 2 foiz bank marjasini hisobga olgan holda «Tomorqa xizmati» MChJ, qishloq xo`jaligi sohasidagi boshqa ishlab chiqarish, qayta ishlash, tayyorlash, ta`minlash, savdo tashkilotlari hamda lizing kompaniyalariga moddiy-texnika bazasini mustahkamlash, qishloq xo`jaligi texnikalari va transportlarini sotib olish, fermer, dehqon xo`jaliklari va tomorqa er egalarining issiqxonalarini qurish uchun materiallar va butlovchi qismlar xarid qilishga kreditlar berish;

Jamg`armani saqlab turish va faoliyatini moddiy-texnik jihatdan ta`minlash;

aylanma mablag`larga muhtoj bo`lgan «Tomorqa xizmati» MChJlarning ustav fondini 25 foizdan kam bo`lmagan miqdorda shakllantirish;

fermer, dehqon xo`jaliklariga va tomorqa erlarini rivojlantirishga investitsiyalarni jalb qilish hamda innovatsion loyihalarni amalga oshirish bilan bog`liq boshqa yo`nalishlar uchun foydalanilishi;

belgilanganligi;

i) Quyidagilar:

Jamg`arma barcha turdagi soliqlar va davlat maqsadli jamg`armalariga majburiy ajratmalardan;

«Tomorqa xizmati» MChJlar davlat ro`yxatidan o`tgan kundan boshlab mazkur qarorga muvofiq ularning asosiy faoliyati doirasida 3 yil muddatga barcha turdagi soliqlar va davlat maqsadli jamg`armalariga majburiy ajratmalardan;

O`zbekiston Respublikasida ishlab chiqarilmaydigan va uning hududiga chetdan keltiriladigan engil konstruksiyali issiqxonalar o`rnatish uchun jihozlar, qishloq xo`jaligi texnikasi hamda qishloq xo`jaligi transport vositalari belgilangan tartibda tasdiqlanadigan ro`yxat bo`yicha 2021 yil 1 yanvargacha qadar bojxona to`lovlaridan (bojxona rasmiylashtiruv uchun to`lovlardan tashqari);

«Tomorqa xizmati» MChJ yoki fermer xo`jaliklari bilan tuzilgan kasanachilik shartnomasi asosida faoliyat yuritayotgan tomorqa er egalari - jismoniy shaxslar ularning kasanachilik faoliyati doirasida jismoniy shaxslardan olinadigan daromad solig`i hamda O`zbekiston Respublikasi Moliya vazirligi huzuridagi Byudjetdan tashqari pensiya jamg`armasiga majburiy ajratmalardan ozod qilinganligi;

y) 2018 yil 1 iyuldan:

dehqon xo`jaligi va 4 sotixdan kam bo`lmagan tomorqa erida band bo`lgan yoki ushbu uchastkada qoramol yoxud 50 boshdan kam bo`lmagan parranda parvarishlayotgan jismoniy shaxslar tomonidan O`zbekiston Respublikasi Moliya vazirligi huzuridagi Byudjetdan tashqari pensiya jamg`armasiga yiliga eng kam oylik ish haqining bir barobari miqdorida sug`urta badali to`langan taqdirda, sug`urta badali to`langan yil mehnat stajiga kiritilishi;

Kengash tizimida ishlaydigan pensionerlarga pensiyalar O`zbekiston Respublikasi Moliya vazirligi huzuridagi Byudjetdan tashqari pensiya jamg`armasi mablag`lari hisobidan to`liq to`lanishi;

fermer, dehqon xo`jaliklari va tomorqa er egalari kengashlari tomonidan O`zbekiston Respublikasi Moliya vazirligi huzuridagi Byudjetdan tashqari

pensiya jamg`armasiga yagona ijtimoiy to`lov 5 foiz miqdorida to`lanishi belgilanganligi;

k) Quyidagilar:

engil konstruksiyali issiqxonalar o`rnatish, urug`liklar, ko`chatlar va sug`orish vositalari xarid qilish uchun «Tomorqa xizmati» MChJ, aholi bandligiga ko`maklashish markazi hamda tomorqa er egalari o`rtasida tuzilgan uch tomonlama shartnomalar asosida eng kam oylik ish haqining 3 barobaridan 10 barobarigacha bo`lgan miqdorda subsidiyalar berish;

kasb-hunarga o`qitish markazlari, kollejlari va oliy o`quv yurtlarida

kasb-hunarga tayyorlash, agrotexnologiya, bog`dorchilik, sabzavotchilik, chorvachilik, parrandachilik, baliqchilik hamda asalarichilik sohasida fermer va dehqon xo`jaliklarining rahbarlari va ishchilari hamda tomorqa er egalarini qayta tayyorlash va malakasini oshirish uchun grantlar ajratish O`zbekiston Respublikasi Bandlikka ko`maklashish davlat jamg`armasi mablag`laridan foydalanishning qo`shimcha yo`nalishlari deb hisoblanganligi;

1) O`zbekiston Respublikasi Prezidentining 2017 yil 10 oktyabrdagi «Fermer, dehqon xo`jaliklari va tomorqa er egalari faoliyatini yanada rivojlantirish bo`yicha tashkiliy chora-tadbirlar to`g`risida»gi PQ-3318-son qaroriga ilovaga muvofiq o`zgartirish va qo`shimchalar kiritilganligi ma`lumot uchun qabul qilinsin.

3. Tumanlar hokimlariga Qoraqalpog`iston Respublikasi Xususiylashtirilgan korxonalariga ko`maklashish va raqobatni rivojlantirish qo`mitasi, Savdo-sanoat palatasi va Qoraqalpog`iston Fermer, dehqon xo`jaliklari va tomorqa er egalari kengashi bilan birgalikda qishloq tumanlarining ixtisosligidan kelib chiqqan holda «Tomorqa xizmati» MChJlar faoliyatini samarali tashkil etishda, shu jumladan, bo`sh turgan va foydalanilmayotgan davlat mulki ob`ektlarini belgilangan tartibda ajratish orqali ko`maklashish topshirilsin.

4. Bandlik va mehnat munosabatlari vazirligi Qishloq xo`jaligi vazirligi, Adliya vazirligi, Qoraqalpog`iston Fermer, dehqon xo`jaliklari

va tomorqa er egalari kengashi va boshqa manfaatdor idoralar bilan birgalikda ikki oy muddatda o`zlari qabul qilgan normativ-huquqiy hujjatlarini ushbu qarorga muvofiqlashtirsinlar.

5. Mazkur qarorning bajarilishini nazorat qilish Qoraqalpog`iston Respublikasi Vazirlar Kengashi Raisining o`rinbosari S.Xojametov zimmasiga yuklatilsin.




Qoraqalpog`iston Respublikasi

Vazirlar Kengashining Raisi

Q.Sariev

Ko`rib chiqildi:

 IZLASH

- 
- 
- 
- [Vazirlar Kengashi](#)
- [Statistik va tahliliy ma`lumotlar](#)
- [Vazirliklar va idoralar](#)
- [Shahar va tuman hokimliklari](#)
- [Hujjatlar](#)
- [Respublika mehmonlariga](#)
- [Elektron hukumat](#)
- [Interaktiv davlat xizmatlar](#)